

【講經前後、修持簡軌】 釋心宏敬編 18/08/2004

【講經前】： □、懺悔業障

◎南無華嚴會上佛菩薩【三稱】

1. 所有十方世界中，三世一切人師子；我以清淨身語意，一切遍禮盡無餘。
2. 普賢行願威神力，普現一切如來前；一身復現刹塵身，一一遍禮刹塵佛。
3. 於一塵中塵數佛，各處菩薩眾會中；無盡法界塵亦然，深信諸佛皆充滿。
4. 各以一切音聲海，普出無盡妙言辭；盡於未來一切劫，讚佛甚深功德海。
5. 以諸最勝妙華鬘，伎樂塗香及傘蓋；如是最勝莊嚴具，我以供養諸如來。
6. 最勝衣服最勝香，末香燒香與燈燭；一一皆如妙高聚，我悉供養諸如來。
7. 我以廣大勝解心，深信一切三世佛；悉以普賢行願力，普遍供養諸如來。
8. 我昔所造諸惡業，皆由無始貪恚癡；從身語意之所生，一切我今皆懺悔。
9. 十方一切諸眾生，二乘有學及無學；一切如來與菩薩，所有功德皆隨喜。
10. 十方所有世間燈，最初成就菩提者；我今一切皆勸請，轉於無上妙法輪。
11. 諸佛若欲示涅槃，我悉至誠而勸請；唯願久住刹塵劫，利樂一切諸眾生。
12. 所有禮讚供養福，請佛住世轉法輪；隨喜懺悔諸善根，迴向眾生及佛道。
13. 願將以此勝功德，迴向無上真法界；性相佛法及僧伽，二諦融通三昧印。
14. 如是無量功德海，我今皆悉盡迴向；所有眾生身口意，見惑彈謗我法等。
15. 如是一切諸業障，悉皆消滅盡無餘；念念智周於法界，廣度眾生皆不退。
16. 乃至虛空世界盡，眾生及業煩惱盡；如是四法廣無邊，願今迴向亦如是。

◎南無大行普賢菩薩【三稱】

□、特讚彌陀：

◎《無量壽經優婆提舍願生偈》（又名《往生論偈》）

【此卷依東瀛本，與藏內稍別】 婆藪槃頭菩薩造 元魏菩提留支譯

◎南會蓮池海會佛菩薩【三稱】

- V1. 世尊我一心，歸命盡十方；無礙光如來，願生安樂國。
- V2. 我依修多羅，真實功德相；說願偈總持，與佛教相應。
- V3. 觀彼世界相，勝過三界道；究竟如虛空，廣大無邊際。
- V4. 正道大慈悲，出世善根生；淨光明滿足，如鏡日月輪。
- V5. 備諸珍寶性，具足妙莊嚴；無垢光燄熾；明淨曜世間。
- V6. 寶性功德草，柔軟左右旋；觸者生勝樂，過迦旃鄰陀。
- V7. 寶華千萬種，彌覆池流泉；微風動華葉，交錯光亂轉。
- V8. 宮殿諸樓閣，觀十方無礙；雜樹異光色，寶欄徧圍繞。
- V9. 無量寶交絡，羅網遍虛空；種種鈴發響，宣吐妙法音。
- V10. 雨華衣莊嚴，無量香普熏；佛慧明淨日，除世癡闇冥。
- V11. 梵聲悟深遠，微妙聞十方；正覺阿彌陀，法王善住持。
- V12. 如來淨華眾，正覺華化生；愛樂佛法味，禪三昧爲食。
- V13. 永離身心惱，受樂常無間；大乘善根界，等無譏嫌名。

- V14. 女人及根缺，二乘種不生；眾生所願樂，一切能滿足。
- V15. 是故願生彼，阿彌陀佛國；無量大寶王，微妙淨華臺。
- V16. 相好光一尋，色像超群生；如來微妙聲，梵響聞十方。
- V17. 同地水火風，虛空無分別；天人不動眾，清淨智海生。
- V18. 如須彌山王，勝妙無過者；天人丈夫眾，恭敬繞瞻仰。
- V19. 觀佛本願力，遇無空過者；能令速滿足，功德大寶海。
- V20. 安樂國清淨，常轉無垢輪；化佛菩薩日，如須彌住持。
- V21. 無垢莊嚴光，一念及一時；普照諸佛會，利益諸群生。
- V22. 雨天樂華衣，妙香等供養；讚諸佛功德，無有分別心。
- V23. 何等世界無，佛法功德寶；我願皆往生，示佛法如佛。
- V24. 我作論說偈，願見彌陀佛；普共諸眾生，往生安樂國。

◎往生咒（三遍）

◎結束後，至誠肯切念阿彌陀佛聖號或心咒（至少一千聲），然後誦

誦大乘經典，專心聽經，發願迴向，求生西方淨土。

【講經後】： □、普皆迴向

◎ I. 《菩提道次》祈願文 宗喀巴大師著

以我久勤所積集，量等虛空二資糧；爲度無明有情眾，願成導師佛世尊。
 未成佛前一切生，文殊慈憫垂攝持；具足教以最勝道，得已行令諸佛喜。
 以我解悟道法要，大悲爲導善方便；淨除眾生意冥愚，持佛教法於久遠。
 教法勝寶未遍揚，或已遍揚而衰墮；願於彼處興大悲，顯弘利樂之寶藏。
 願佛菩薩妙事業，最勝菩提道次第；饒益諸願解脫者，世尊教行永流傳。
 成就修行善道緣，淨除人非人違緣；佛所讚歎淨行道，生生世世永不離。
 以十法行於勝乘，如理精勤修行際；護法聖眾常護持，如海吉祥普十方。

◎ II. 極樂淨土、精簡發願迴向文

【總迴向】：

願我臨欲命終時，盡除一切諸障礙；面見彼佛阿彌陀，即得往生安樂刹。
 我既往生彼國已，現前成就此大願；一切圓滿盡無餘，利樂一切眾生界。
 彼佛眾會咸清淨，我時於勝蓮華生；親睹如來無量光，現前授我菩提記。
 蒙彼如來授記已，化身無數百俱胝；智力廣大遍十方，普利一切眾生界。
 乃至虛空世界盡，眾生及業煩惱盡；如是一切無盡時，我願究竟恒無盡。
 我此普賢殊勝行，無邊勝福皆迴向；普願沈溺諸眾生，速往無量光佛刹。

願今禮佛發願，修持功德，迴施有情；

四恩總報，三有齊資；法界眾生，同圓種智。